

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 K 106297 22 K
Bugojno, 23.12.2022. godine

P R E S U D U

OPTUŽENI: M.J., sin S. i majke S. djev. Č., JMBG:, rođengodine u D.V., nastanjen na adresi Malovina bb, općina D.V.,, državljanin BiH; pismen, završio SSS, po zanimanju šumski tehničar, trenutno nezaposlen, oženjen, otac dvoje mlđb. djece, vojsku služio u Zenici 1997-1998 godine, bez čina, vodi se u VE Donji Vakuf, lošeg imovnog stanja, neosuđivan, ne vodi se drugi krivični postupak, u pritvoru do 10.06.2023.godine.

K R I V J E

Što je:

1. U dužem vremenskom periodu, tokom trajanja bračne zajednice, a naročito od 6. mjeseca 2021. godine pa do 31.03.2022.godine, u porodičnoj kući na adresi Malovina bb, općina D.V., nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje člana svoje porodice, supruge F.J. sa kojom živi u zajedničkom kućanstvu, na način da je istu fizički zlostavljao, nazivao pogrđnim imenima, više puta je tjerao, a nekada i svakodnevno da ispred njega i maloljetne djece govori "izvini, popraviti ću se" iako nije ništa pogriješila, da bi dana 07.12.2021.godine fizički napao oštećenu nanijevši joj tom prilikom lake tjelesne ozljede i to povrede glave i desnog lakta što je i htio, iako je bio svjestan da ovakvim bezobzirnim i drskim ponašanjem ugrožava spokojstvo, tjelesnu cjelovitost i duševno zdravlje člana svoje porodice, zbog čega je oštećena zatražila pomoć svoje braće Š.N. i Š.R., te se zajedno s njima oštećena F.J. obratila Policijskoj stanici Donji Vakuf, a potom zatražila i medicinsku pomoć u Domu Zdravlja Donji Vakuf i JU Bolnica Travnik, te je i naknadno u martu 2022. godine, uslijed kršenja zaštitnih mjera od strane optuženog dana 01.04.2022. godine smještena u Sigurnu kuću „Medica“ Zenica, gdje je boravila određeno vrijeme, a potom i zatražila razvod braka ;

2. Dana 10.05.2022.godine u jutarnjim satima oko 03:20 sati u ul. 717. Slavne brdske brigade bb, općine D.V., nakon što je otpušten iz prostorija PS Donji Vakuf zbog kršenja zaštitne mjere dan prije, neovlašteno prodro u tuđi dom odnosno kuću vl. H.B. u kojoj, nakon što je konačno napustila bračnu zajednicu s optuženim dana 31.03.2022. godine, živjela njegova supruga oštećena J.F. zajedno sa mlđb. djecom J.Z. i J.S., na način da je upotrebom fizičke sile djelovao na ulazna vrata kuće dimenzija 80x220 cm, koja je nasilno otvorio i tom prilikom oštetiio štok ulaznih vrata u vidu rascijepljena istog u dužini od 2 metra, te razbio

staklo nadvratika ulaznih vrata dimenzija 18x80cm, nakon čega je ušao u unutrašnjost kuće u kojoj se nalazila oštećena sa mldb. djecom ponašajući se agresivno, pa se na zahtjev oštećene da napusti prostorije kuće nije udaljio iz prostorija kuće, svjestan da upotrebom fizičke sile djelujući na ulazna vrata može nasilno otvoriti ista i da nema odobrenja oštećene za ulazak u unutrašnjost kuće i htijući to, o kojem događaju je njihova maloljetna kćerka J.Z. putem svoje tetke E.Č. obavijestila policijsku službenicu Svjetlanu Dinjaški, koja je prilikom kontrole zaštitne mjere obavijestila Policijsku stanicu Donji Vakuf, a nakon čega je optuženi lišen slobode.

3. Dana 10.05.2022.godine u jutarnjim satima oko 03:20 sati u ul. 717. Slavne brdske brigade bb, općine D.V., a nakon što je neovlašteno bez odobrenja oštećene supruge J.F. upotrebom fizičke sile prodro u unutrašnjost kuće vl. H.B. u kojoj živi oštećena sa mldb. djecom J.Z. i J.S, nasiljem, drskim i bezobzirnim ponašanjem ugrozio mir i tjelesnu cjelovitost oštećene J.F. na način da je po ulasku u prostorije kuće uhvatio oštećenu za ruke te je vukao, a zatim stavio na sećiju, nastavljajući da i dalje povlači oštećenu za tijelo govoreći joj da moraju živjeti zajedno, pa kada mu je oštećena rekla da ne želi živjeti sa istim zahtijevajući da napusti prostorije kuće, isti je oštećenu rukom uhvatio u predjelu grudi i jako stisnuo govoreći da će je silom natjerati da žive zajedno, te nastavio da oštećenu povlači za odjeću u predjelu grudi da bi potom od malodobne kćerke J.Z. pri kojem agresivnom ponašanju oduzeo i mobilne telefone marke Samsung J5, crne boje, Samsung J7, crne boje, Samsung sive boje i Xiaomi Red Me, plave boje, koje je naknadno porazbijao, pa kada je oštećena pokušala da smiri istog, isti je stao ispred oštećene kako ne bi napustila kuću, svjestan da ovakvim nasiljem, drskim i bezobzirnim ponašanjem ugrožava spokojstvo, tjelesnu cjelovitost i duševno zdravlje člana porodice oštećene J.F. i htijući to, a nakon kojeg događaja je oštećenoj ukazana liječnička pomoć u JU Dom zdravlja Donji Vakuf, zbog povišenog šećera 6,9 povišenog pritiska 140/100 kao i ogrebotina na prsnom košu;

Čime je optuženi M.J. počinio krivična djela u sticaju :

-Produženo krivično djelo „Nasilje u porodici „ iz člana 222. stav 2. KZ FBiH, u vezi sa članom 55. stav 2. i 3. KZ FBiH opisano pod tačkom 1. i 3 optužnice.

-Krivično djelo „Narušavanje nepovredivosti doma“ iz člana 184. stav 1. KZ F BiH opisano pod tačkom 2. optužnice, sve u vezi sa članom 54. KZ F BiH.

Pa sud primjenom odredbe čl. 54. st. 1. KZ F BiH za svako od počinjenih krivičnih djela utvrđuje zasebne kazne i to:

- za produženo krivično djelo „Nasilje u porodici „ iz člana 222. stav 2. KZ FBiH opisano pod tačkom 1. i 3 optužnice utvrđuje **kazna zatvora u trajanju od 2 (dvije) godine,**

- za krivično djelo „Narušavanje nepovredivosti doma“ iz člana 184. stav 1. KZ F BiH utvrđuje kazna zatvora u trajanju od **1 (jedne) godine i 2 (dva) mjeseca**

Istovremeno se optuženi M.J. primjenom ranije navedenih odredbi, te odredbi člana 42., 43, 49. st. 1., Krivičnog zakona Federacije Bosne i Hercegovine, a sve uz primjenu odredbe čl. 300. Zakona o krivičnom postupku Federacije Bosne i Hercegovine

OSUĐUJE

NA JEDINSTVENU KAZNU ZATVORA U TRAJANJU OD 3 (tri) godine

Na temelju odredbi člana 57. stav 1. KZ F BiH u naprijed izrečenu kaznu ima se uračunati vrijeme koje je optuženi M.J. proveo u pritvoru određenom po Rješenju Općinskog suda u Bugojnu broj 46 0 K 108643 22 Kpp od 12.05.2022. godine u trajanju od mjesec dana tj. Do 10.06.2022. godine i produženom Rješenjem Vijeća ovog suda broj 46 0 K 108643 22 Kv od 08.06.2022. godine do 10.06.2023. godine.

Na temelju člana 212. stav 3. Zakona o krivičnom postupku Federacije Bosne i Hercegovine oštećena F.J. i H.B. se u cijelosti sa imovinsko pravnim zahtjevom upućuju na parnicu.

Optuženi se temeljem odredbi člana 202. stav 4. ZKP-a F BiH oslobađa od plaćanja troškova krivičnog postupka i isti padaju na teret budžetskih sredstava suda, a ukupna visina troškova će biti određena posebnim rješenjem.

Istovremeno Sud temeljem člana 152. st. 1. ZKP F BiH donosi sljedeće:

RJEŠENJE

Prema optuženom M.J. sin S. i majke S. djev. Ć., JMBG:, rođen 20.02.1977.godine u D.V., nastanjen na adresi Malovina bb, općina D.V.,, sa ostalim podacima kao u spisu

UKIDA SE PRITVOR

sa danom 23.12.2022. godine, te se optuženi M.J., po prijemu ovog rješenja od strane KPZ Busovača, ima odmah pustiti na slobodu.

Sud će o pritvoru donijeti posebno rješenje koje će se dostaviti i Policijskoj stanici Donji Vakuf obzirom da su još uvijek na snazi zaštitne mjere prema oštećenoj.

Dato kratko obrazloženje, obavijest o pravu na žalbu.

Završeno u 10, h

Zapisničar:
Muberina Gekić

Sudija
Sonsirej Radivojević